

פרק לד

(א) לְדוֹד בְּשָׁנוֹתוֹ אֶת טַעְמוֹ לִפְנֵי אָבִימֶלֶךְ וַיִּגְרְשֵׁהוּ וַיֵּלֶךְ: (ב)
אֲבָרְכָה אֶת יְהוָה בְּכֹל עֵת תָּמִיד תִּהְלֶתוּ בְּפִי: (ג) בֵּיהוָה
תִּתְהַלֵּל נַפְשִׁי יִשְׁמְעוּ עַנּוּיִם וַיִּשְׁמָחוּ: (ד) גִּדְלוּ לַיהוָה אֶתִּי
וַנְּרוֹמְמָה שְׁמוֹ יַחְדָּו: (ה) דְּרַשְׁתִּי אֶת יְהוָה וְעֲנֵנִי וּמְכַל מְגוּרוֹתַי
הֲצִילֵנִי: (ו) הִבִּיטוּ אֵלָיו וּנְהָרוּ וּפְנִיָּהֶם אֶל יַחְפְּרוּ: (ז) זֶה עָנִי
קָרָא וַיְהוֶה שָׁמַע וּמְכַל צְרוּתָיו הוֹשִׁיעוּ: (ח) חָנָה מִלֵּאָךְ יְהוָה
סָבִיב לִירְאֵיו וַיַּחְלָצֵם: (ט) טַעְמוֹ וְרָאוּ כִּי טוֹב יְהוָה אֲשֶׁרִי
הַגָּבֵר יַחְסֶה בּוֹ: (י) יִרְאוּ אֶת יְהוָה קִדְּשׁוּ כִּי אֵין מַחְסוֹר
לִירְאָיו: (יא) כְּפִירִים רָשׁוּ וְרָעִבוּ וְדַרְשִׁי יְהוָה לֹא יַחְסְרוּ כָּל
טוֹב: (יב) לְכוּ בָּנִים שְׁמְעוּ לִי יִרְאֵת יְהוָה אֲלֵמְדַכֶּם: (יג) מִי
הָאִישׁ הַחֲפֵץ חַיִּים אֶהֱבֵ יָמִים לְרֵאוֹת טוֹב: (יד) נָצַר לְשׁוֹנֵךְ
מָרַע וּשְׁפָתֶיךָ מִדְּבַר מְרָמָה: (טו) סוֹר מָרַע וַעֲשֵׂה טוֹב בִּקְשׁ
שְׁלוֹם וְרַדְפָּהוּ: (טז) עֵינֵי יְהוָה אֶל צַדִּיקִים וְאֲזַנּוֹ אֶל שׁוֹעֲתָם:
(יז) פְּנֵי יְהוָה בַּעֲשֵׂי רַע לְהַכְרִית מֵאָרֶץ זָכָרֶם: (יח) צַעֲקוּ וַיְהוֶה
שָׁמַע וּמְכַל צְרוּתָם הֲצִילָם: (יט) קָרוֹב יְהוָה לְנֹשֶׁבֶרִי לֵב וְאֶת
דַּכְּאֵי רוּחַ יוֹשִׁיעַ: (כ) רַבּוֹת רָעוֹת צַדִּיק וּמְכַלֶּם יַצִּילֵנוּ יְהוָה:
(כא) שִׁמְרֵ כָּל עֲצָמוֹתָיו אַחַת מֵהֵנָּה לֹא נִשְׁבְּרָה: (כב) תָּמוֹתֵת
רָשָׁע רָעָה וְשִׁנְאֵי צַדִּיק יִאֲשָׁמוּ: (כג) פָּדָה יְהוָה נַפְשׁ עַבְדּוֹ וְלֹא
יִאֲשָׁמוּ כָּל הַחֲסִים בּוֹ: